



特別
64
83
10



門武
籍 83
卷 10

周氏
杏林

保嬰全書

保嬰全書卷之十

贈太醫院院使薛鎧 編輯

前太醫院院使男薛已治驗

自汗

自汗者汗無時而自出也經曰飲食飽甚汗出於胃驚而奪精汗出於心持重遠行汗出於腎疾走恐懼汗出於肝搖體勞苦汗出於脾又曰陰虛而陽必轉則發熱而自汗陰虛

而陰必乘則發厥而自汗東垣云表虛自汗
秋冬用桂春夏用黃芪丹溪云汗者心之液
也自汗之症未有不由心腎俱虛而得之者
巢氏云虛勞病若陽氣偏虛則津液發泄而
為汗夫自心為主陽之藏火也陽主氣人身
津液隨其陽氣所在之處而生亦隨其火所
擾之處而泄則為自汗矣治法當用參芪其
溫益氣之藥使陽氣外固而津液內藏則汗

止矣若元氣虛者夏月用六君子湯加山藥
山茱萸冬月用加減八味丸十全大補湯血
虛者四物加參芪有熱者當歸六黃湯氣血
俱虛者十全大補湯心腎虛熱者六味丸虛
寒者八味丸心經血虛者團參湯胃經氣虛
者六君子湯飲食勞倦者補中益氣湯嗜臥
倦怠者升陽益胃湯熱傷元氣者清燥湯暑
干心胞絡者清暑益氣湯外傷風邪者惺惺

散虛勞羸瘦者人參養榮湯思慮傷脾者歸脾湯怒動肝火者小柴胡湯肝經虛熱者加味道遙散肝經濕熱者龍膽瀉肝湯泄瀉脈微者人參理中湯手足汗者補中益氣湯胃腹汗者四君子湯當心一片有汗者茯苓補心湯黃汗者茵陳五苓散血汗者血餘散敷之此皆治汗之大法也仍推五臟相勝主之若汗出如油喘而不休此爲命絕柔汗發黃此爲脾絕汗出不流如貫珠者爲腎絕汗數者並不治若六陽虛則汗出上至頭下至項亦多主難治

治驗

一小兒四歲因驚自汗左關無脈以此爲憂余曰肝主驚此稟肝氣不足因驚則氣散脈必在臂腕於尺部盡處候之果得用補中益氣湯六味地黄丸半載脈復本位

其脉在合谷之間者皆自幼被驚而然也
一小兒五歲因驚自汗發熱虛症悉具右
寸脉短此胃氣復傷也用獨參湯月餘又
用補中益氣湯仍佐以六君子及加味地
黃湯半載而愈

一小兒自汗目直項強頓悶余謂肝經實
熱先用柴胡梔子散隨用六味地黃丸而
愈後因驚自汗咬牙呵欠屬肝經虛熱生

風用六味地黃丸補中益氣湯而痊後又
驚自汗怔忡面赤發熱悉屬肝經虛熱用
六味丸而愈

一小兒自汗面青善怒小便頻數睡間驚
悸或發搐目直此肝火血燥生風也先用
加味四物湯加味逍遙散各四劑與間服
諸症漸愈又用四君山梔而痊

一小兒自汗盜汗頸間結核兩目連割此

兼肝脾疢症也用四味肥兒丸及大蕪荑
湯而痊後每傷食發熱便血自汗用五味
異功散加升麻柴胡漸愈又用六味地黄
丸而痊

一女子十四歲自汗寒熱月經先期余謂
肝火血熱用加味道遙散地黄丸而痊後
因怒經行不止自汗盜汗先用加味小柴
胡湯次用加味道遙散而愈

一小兒自汗叫哭發熱作渴飲水抽搐仰
睡乃心經實熱也用導赤散治之而愈後
又自汗發熱飲湯抽搐無力驚竄咬牙覆
睡面赤心經虛熱也用茯苓補心湯而愈
一小兒自汗惡風用補中益氣湯加炒浮
麥而止因飲食停滯患吐瀉用六君子湯
而愈又用四君當歸浮麥而汗止出痘時
自汗盜汗用十全大補湯而痘愈後因傷

風咳嗽自汗腹脹余謂脾肺俱虛宜用六
君桔梗因惑於人言先服發表之劑更加
氣喘盜汗余用四君五味子炮薑四劑不
應每劑又加人參五錢炮薑一錢稍止又
三劑而痊

十全大補湯治諸虛不足自汗不食時發潮
熱等症

白茯苓

人參

當歸

白朮

黃芪炒

川芎

肉桂

白芍藥炒

熟地黃

甘草炒各等分

右三五錢薑棗水煎服

八珍湯前方去肉桂黃芪治驗見各門

人參養榮湯治病後時自汗或發潮熱口乾
食少心虛驚悸欬而下利前方去川芎加
陳皮五味子遠志

百解散治感冒風邪發熱自汗者

荆芥

白芷

麻黃去節

陳皮

蒼朮

甘草炒各三分

右薑三片葱白三根水煎服

清暑益氣湯治暑邪干衛身熱自汗

黃芪

蒼朮泔浸去皮各一錢升麻七分

人參

白朮

陳皮炒

神麴炒

澤瀉各五分

甘草炙

黃蘗酒浸炒

當歸身

麥門冬去心

青皮炒

葛根各三分

五味子九粒

右水煎服

茵陳五苓散治伏暑發黃煩渴小便不利

赤茯苓

猪苓

澤瀉

白朮

茵陳各三分

右水煎服

血餘散治汗不止

用男子亂髮一握煨存性爲細末以絹袋盛置乾撲之

清燥湯治小兒自汗或因熱傷元氣大小便秘澀

黃芪炒

蒼木各五分

白木

陳皮

澤瀉

人參

白茯苓

升麻

麥門冬

當歸身

生地黄

神麩炒

猪苓

黃栢酒拌炒各三分

五味子酒

黃連炒

甘草炙各二分

右薑一片水一鍾煎服

升陽益胃湯方見諸痢

六君子湯

加味歸脾湯

四君子湯

加味逍遙散

五味異功散 五方見內鈞

柴胡梔子散 方見發熱

小柴胡湯 方見肝臟

補中益氣湯 方見虛羸

龍膽瀉肝湯

人參理中湯

見瘡

當歸六黃湯 二方見盜汗

惺惺散

四物湯 二方見急驚

六味丸

加味八味丸 即六味丸加肉桂
五味子方見腎臟

四味肥兒丸 方見寒吐

大蕪荑湯 方見痔症

導赤散 方見心臟

盜汗

盜汗者睡則汗出寤則汗收也自汗屬陽虛盜汗屬陰虛蓋陽為衛氣陰為榮血血之所主心也所藏肝也熱搏於心故液不能內歛而外泄於皮膚人卧則靜而為陰覺則動而為陽故曰自汗屬陽盜汗屬陰也多因心腎不交水火不能既濟腎虛則閉藏之令失守故有是症宜用六味九十全大補湯血虛內

熱者當歸六黃湯心經有熱者導赤散肝經虛熱者六味地黄丸血脫盜汗者當歸補血湯肝膽風熱者柴胡清肝散食積內熱者二陳枳實山梔胃氣虛熱者六君子湯及浮麥散血氣俱虛者人參養榮湯餘症見自汗當參覽之

治驗

一小兒十一歲面色青白或惡寒發熱鼻

間黃白盜汗自汗胸膈不利飲食少思常
懷畏懼用二陳黃連酸棗茯神之類不應
余以爲脾肺俱虛不信自用朱砂安神丸
更寒熱往來泄瀉不食余用六君當歸黃
芪而愈

一小兒五歲腹中作痛大便不實患盜汗
鼻間左腮皆白此脾肺氣虛而食積所致
也用六君山查神麩四劑腹痛頓止去查

麩又四劑大便調和乃用四君歸芪而汗
止

一小兒十二歲患盜汗形氣瘦弱面色或
赤或白右頸白兩頰赤鼻間微青此稟足
三陰經虛也朝用補中益氣湯夕用六味
地黃丸而愈

一小兒久患盜汗夜熱晝涼飲食少思大
便酸臭此食積內作也先用三稜散消導

積滯又用五味異功散補脾進食而瘥
一女子十四歲自汗寒熱肝脉弦洪此肝
火所致用加味道遙散而愈後飲食停滯
吐痰眩運頭面不時汗出兩寸脉不及本
位用補中益氣湯加半夏蔓荊子而痊
一小兒三歲盜汗不食聞藥即嘔此胃氣
傷也用浮麥炒爲末以乳調服錢許旬餘
嘔止食進佐以六君子湯而愈

一小兒發熱呵欠頓悶咬牙至夜盜汗屬
肝膽火症用小柴胡湯加山梔二劑又用
地黄丸料煎服而愈

一小兒盜汗甚久不愈寸口脉沉伏飲
食少思稍多食則腹痛汗不止余謂脾虛
食積用六君升麻柴胡月餘脾氣漸健飲
食漸加汗亦少止乃佐以異功散而痊
一小兒苦盜汗肢體消瘦因功課勞役更

加自汗余用補中益氣十全大補二湯而愈次年因勞心前症復作更加夢遺仍用前二湯各五十餘劑而愈畢姻後前症俱作手足並冷前藥又各加薑桂一錢數劑少應至六十餘劑而愈因大勞盜汗如雨手足如冰卅以前二藥加桂附各一錢數劑方愈

當歸六黃湯治血虛盜汗內熱晡熱者

當歸

熟地各五分

生地黄炒三錢

黃連炒黑

黃柏炒黑

黃芩炒黑各三分

黃芪炒五分

右水煎服

團參湯治虛汗盜汗

暹羅人參三兩 當歸三錢

右為末用雄猪心一個切三片每服以猪心一片煎湯調服二錢

白朮散治自汗盜汗

白朮 三兩

小麥 一合 炒

右用水一鍾半煮乾去麥為末以炒黃芪煎湯量兒大小調服忌蘿蔔辛辣炙燂之

類乳母充忌

六味地黄丸 方見腎臟

人參養榮湯

十全大補湯 二方見自汗

導赤散 方見心臟

柴胡清肝散

當歸補血湯 二方見發熱

二陳湯 方見寒吐

六君子湯

四君子湯

五味異功散

加味逍遙散 四方見內鈞

小柴胡湯 方見肝症

三稜散 方見白濁

補中益氣湯 方見虛羸

噫氣

經曰脾病則面黃善噫噫者寒氣客於胃厥逆從下上散復出於胃而為噫又善噫善味其症當臍有動氣按之牢若痛其病腹脹滿食不消體重節痛怠惰嗜卧四肢不收經曰

脾主四肢有是者脾也又曰二陽一陰發病主驚駭背痛善噫何謂也竊謂上焦受氣於中焦中焦氣未和不能消穀故能噫耳中焦亦脾胃之分也脾土虛寒由命門火衰不能溫蒸水穀古人有服兔絲子旬日間飲食如湯沃雪亦此義也補脾宜人參理中湯補右腎宜用八味丸胃氣虛不能運化水穀者六君子加木香鬱結傷脾者加味歸脾湯木剋

土者四君柴胡升麻蕪糟者加吳茱萸牛
夏治者審之 仍參虛羸症

治驗

一小兒稟賦虛羸時常作痢年十三歲泄
瀉不食手足並冷諸藥不應余謂命門火
衰六君子湯入味九治之尋愈畢姻後勞
心過甚飲食頓少發熱下氣先用參朮
五錢薑棗煎服諸症稍愈又用六君子

加炮薑肉桂參朮各一兩一劑諸症頓愈
又因勞心發熱煩渴用補中益氣湯加附
子一錢渴止用參芪各一兩歸朮各五錢
附子一錢三劑全瘥

一小兒十五歲喜噫面黃腹脹飲食難化
用六君益智木香漸愈後因怒蕪脇痛少
食下氣噫氣用補中益氣湯加附子益智
漸愈後飲食過多腹脹吞酸服保和丸熱

渴痰甚用二陳黃連石膏之劑大便不止
吃逆不食手足並冷余用六君附子四劑
稍愈又以補中益氣湯加附子及八味丸
而遂安

一女子十九歲患前症用六君子湯送四
味茱萸丸而愈但怒即發服此藥亦即愈
後因怒氣勞役前症復作血崩不止先用
柴胡梔子散一劑隨用補中益氣湯加

梔而痊仍參虛羸治驗

本事枳殼散治心下痞悶或作痛多噫

枳殼

白木 各半兩

香附子 炒一兩

檳榔 三錢

右為末每服一錢空心米飲調下

四味茱萸丸治腹脹噫氣吞酸食不能化

吳茱萸 炒

黃連 炒

神麴

荷葉 各等分

右為末水煮神麩糊丸桐子大每服二十
丸白湯下黃連當量病微甚或炒黑炒黃
用之

八味丸

即六味丸加五味子肉桂方見腎臟

四君子湯

六君子湯

加味歸脾湯

三方見內約

補中益氣湯

方見虛羸

下氣

劉河間云腸胃鬱結穀氣內發而不能宣通
於腸胃之外故喜噫下氣也若癩癩勞瘵氣
下泄而不止者必死乃真氣竭絕腠理閉塞
穀氣不能宣通於腸胃之外故從腸胃中泄
出婁全善云下氣屬心虛經云夏脉者心也
心脉不及下氣為泄者是也經又云飲食入
胃遊溢精氣上輸於脾脾氣散精上歸於肺

通調水道下輸膀胱水精四布五經並行此
平人也若七情內傷六淫外侵飲食不節房
勞過度致脾土之陰受傷轉運之官失職不
能輸化故下氣也又曰陰精所奉其人壽陽
精所降其人夭陰精者乃五穀之精上榮心
肺以降腎肝故曰其人壽陽精者乃胃中之
清氣陷入腎肝不能升浮上輸心肺故曰其
人夭若飲食過多腸胃鬱結用平胃散癩

勞瘵用補中益氣湯心氣虛弱用補心丸心
氣虛寒用補心湯脾胃虛寒用理中湯肝木
乘脾用六君子湯加木香脾氣鬱結用加味
歸脾湯脾氣下陷用補中益氣湯命門火衰
用八味丸腎氣不足用六味地黄丸大凡噫
氣下氣者其脈不及本位內經云短則氣病
以其無胃氣也諸病見此脈難治但純補胃
氣爲善

治驗

兼仍參虛羸治驗

一小兒脾氣素弱飲食少思常患虛弱畢
姻後噫氣右關脉弱不及本部左關脉弦
數而長此脾氣虛肝木勝之也用六君柴
胡炒黑山梔治之尋愈後因勞復作用補
中益氣湯加益智二劑而痊後又勞復頭
暈仍用前湯更加蔓荊子而愈

一女子十四歲性急多怒噫氣常服木香

檳榔丸胸中爽快次年出嫁孀居前症復
發服清氣化痰丸發熱痰甚服苓連等藥
經行如崩發熱作渴四肢抽搐唇口自動
此因肝盛脾虛不能統血歸經虛火動而
類風也用加味道遙散內歸木各用五錢
加鈞藤鈎二錢治之諸症頓愈又用加味
歸脾湯久服而愈

一女子早喪母噫氣下氣出嫁後患吞酸

胸痞用六君子送越鞠丸漸愈又用加味
歸脾湯而安後因怒兼脇痛腹脹小便淋
瀝用加味道遙散加車前子龍膽草而愈
一小兒十一歲稟胃氣克實飲食過多胸
滿噫氣用枳殼散漸愈又用六君子湯全
愈至十七歲飲食停滯腹脹兼痛自用枳
殼散肢體倦怠噫氣下氣余用六君乾薑
肉桂而愈

一女子年十六患此先用參朮之藥不應
用六君子湯送四味茱連丸而愈後又因
怒氣勞役前症益甚更兼發熱用柴胡梔
子散二劑隨以補中益氣湯而痊

平胃散 方見虛寒

補心湯 方見瘧

補心丸 即茯神散爲丸方見驚悸

補中益氣湯 方見虛羸

人參理中湯 方見驚瀉

越鞠丸

六君子湯

加味歸脾湯

加味道遙散 四方見內鈔

本事枳殼散 方見前症

柴胡梔子散 方見發熱

四味菜連丸 方見噫氣

八味地黄丸 方見腎臟六味丸加肉桂附子

不寐

經曰陽明胃脉也胃者六腑之海其氣亦下行陽明逆不得從其道故不得卧也又曰胃不和則卧不安夫人身之衛氣晝則行於陽夜則行於陰陽主動陰主靜寤則魂魄志意散於腑臟發於耳目動於肢體而為人身指使之用寐則神氣各歸五宮而為默運之妙

矣若脾胃氣盛則腑臟調和水穀之精各各
融化以爲平和之氣若胃氣一逆則氣血不
得其宜腑臟不得其所不寐之症由此生焉
當用四君遠志酸棗仁肝腎虛熱者六味丸
心血不足者珍珠母丸思慮過度者歸脾湯
精神短乏者人參養榮湯病後餘熱者酸棗
仁湯膽虛不得眠者人參竹葉湯肝火不寧
者加味小柴胡湯振悸不得眠者四君生薑

酸棗仁夜啼驚哭不寐各詳別症當參求之

治驗

一小兒患瘡潰後飲食少思倦怠不寐先
用四君茯苓神當歸陳皮飲食頓加乃佐以
八珍散爲末時服錢許漸得寐又因驚汗
出發熱不寐用異功散加柴胡山梔汗熱
頓止仍服四君八珍之藥得寐又飲食停
滯腹痛吐痰不寐汗出用六君柴胡升麻

山查而安

一小兒十四歲勤於功課徹夜不寐飲食無味早間用補中益氣湯午後用異功散飲食漸有味夜稍得寐仍用補中益氣湯八珍湯而愈畢姻後不寐兼遺精盜汗用補中益氣湯六味地黄丸而愈

一小兒痢後不食少寐或無盜汗先用異功散加升麻當歸飲食漸進佐以補中益氣湯稍得寐四年後因用心記誦患自汗不寐飲食甚少用補中益氣湯加味異功散而愈

一女子十七歲喪母過哀不寐發熱或寒熱此脾血虛而火動也用加味逍遙散加味歸脾湯治之尋愈後因飲食怒氣不寐腹痛先用六君柴胡升麻而痛止仍用前二藥而得寐

仲景酸棗湯治虛勞虛煩不得眠

酸棗仁

錢炒一

甘草

知母

炒

茯苓

芎藭

生薑

各五分

右水煎服

本事驚甲丸治膽虛不得眠四肢無力

驚甲

酸棗仁

炒

羌活

黃芪

炒

牛膝

酒炒

人參

各一兩

五味子

右為末煉蜜丸梧子大每服三四十九溫

酒下

聖惠治骨蒸勞熱煩心不得眠用酸棗仁三

錢水煎熟下地黃汁一蛤蜊食之

本事珍珠母丸治服汗肝經因虛內受風邪

卧則魂散而不守狀若驚悸

珍珠

三分另研細

當歸

熟地黃

各一兩半

人參

酸棗仁

炒

栝子仁

各一兩

犀角

茯神

沉香

龍齒

各半兩

右為末煉蜜丸小豈大辰砂為衣每服二十九丸白湯下日午夜卧各一服

人參竹葉湯治虛煩不得寐

人參

竹葉

甘草

各二錢

半夏

二錢五分

小麥

麥門冬

各一錢五分

右每服二三錢薑二片粳米一撮水煎服

四君子湯

六君子湯

加味歸脾湯

加味逍遙散

五味異功散

五方見內鈞

補中益氣湯

方見虛羸

人參養榮湯

方見白汗

加味小柴胡湯

方見瘧症

八珍散 十全大補湯去黃芪桂

六味地黄丸 方見腎臟

驚悸

人身有九藏心藏神肝藏魂二經皆主於血
血虧則神魂失寧而生驚悸也經曰東方青
色入通於肝其病發驚駭又曰二陽一陰
病主驚駭驚者心卒動而恐怖也悸者心
動而怔忡也二者因心虛血少故健忘之

隨之用四物安神之類丹溪謂亦有屬痰者
宜用溫膽湯加辰砂遠志之類若思慮便動
虛也用養心湯時作時止痰也用茯苓丸觸
事易驚心膽虛怯也用溫膽湯卧驚多魘血
不歸源也用珍珠母丸夢寐不寧肝魂失守
也用定志丸恐懼不能獨處膽氣虛冷也用
茯神湯睡卧煩躁膽氣實熱也用酸棗仁丸
眩暈驚悸風痰內作也用本事辰砂遠志丸

思慮鬱結脾虛氣滯用歸脾湯前症雖曰屬
心與肝而血之所統實主於脾脾之志曰思
思慮多則血耗損而不能滋養於肝心者脾
使之也思慮內動未嘗有不役其心者夫心
爲君火之藏十二官之主也夫君之德不怒
而威無爲而治故宜鎮之以靜謚戒之以妄
動動則相火翕合煽爍陰精精血旣虧則火
空獨發是以驚悸怔忡之所由生五志之
之所不能制者矣故治脾者不可不知養心
養心者不可不知鎮靜而寡慾然人孰無思
也思之正則無妄動之慾矣朱子曰必使道
心常為一身之主而人心每聽命焉此善養
乎心者也

治驗

一女子素血虛驚悸出嫁後更怔忡晡熱
月經過期用八珍湯加遠智山藥酸棗仁

三十餘劑漸愈佐以歸脾湯全愈後因勞怒適經行不止前症復作先用加味道遙散熱退經止又用養心湯而痊

一小兒十五歲徹夜用功記誦去後少寐仍不戒勞患怔忡發熱不止用歸脾湯為主佐以八珍湯諸症漸愈後復作服歸脾定志二藥即愈

一小兒十五歲因用心太過少寐驚悸怔忡惡寒先用補中益氣湯茯苓酸棗仁遠志惡寒漸止又用加味歸脾湯驚悸稍安又用養心湯而痊

一小兒驚悸睡卧不安發熱飲冷用治要茯苓散而愈又因勞役恚怒發熱吐痰自汗用溫膽湯二劑而安又用歸脾湯寧志丸而愈

一小兒十三歲善思多憂體倦發熱心懷

畏懼必多人相伴乃止用茯神湯佐以歸脾湯兩月餘漸愈畢姻後前症復作加寒熱頭暈先用前二湯而驚悸愈後用十全大補湯補中益氣湯諸症漸愈後因科舉入場勞役朝寒暮熱自服前二湯各三十餘劑不應時仲秋脉虛大按之微細面白腹痛亦用前方倍加肉桂乾薑四劑亦不應遂以八味丸料煎服四劑稍緩又四劑漸愈乃用八味丸十全大補湯而安

一女子十五歲性沉静被盜所恐遂驚悸腹脇脹痛寒熱往來不食無寐善思恐懼用酸棗仁丸歸脾湯加味道遙散而尋愈出嫁後因喪子無大勞驚悸無寐吐痰發熱飲食少思胸腹膨脹服化痰藥日吐痰四五碗時考績至京請治余謂脾肺虛寒不能攝涎化食而為痰也用六君乾薑六

劑其痰益甚手足並冷用前藥每加附子一錢仍不應乃用人參一兩附子二錢四分劑始稍緩又二劑仍用六君加薑附各五分數劑後易桂治之而愈

溫膽湯治心膽虛怯觸事易驚或夢寐不祥遂致心驚膽懾氣鬱生涎涎與氣搏變生諸症或短氣悸之或復自汗膽虛不能制脾則脾之水飲作矣

半夏

湯洗

竹茹

枳實

炒各二兩

橘皮

二兩去白

甘草

炙一兩

白茯苓

一兩半

右每服四錢水一盞半薑五片棗一枚煎七分食前服

寧志丸治心虛多驚若有痰宜吐之

人參

白茯苓

茯神

栝子仁

琥珀

當歸

酸棗仁

溫酒浸半日去殼

遠志

炒各半兩

乳香

朱砂

石菖蒲

各三錢

右為末蜜丸桐子大每服三十九食後棗湯下

茯神散治五臟氣血虛弱驚悸怔忡宜用此

安神定志

茯神去木

人參

龍齒另研

遠志去心

桂心

防風

獨活

酸棗仁

細辛

白朮炒各三錢

乾薑炮三兩

右為末每服四五錢水煎服蜜丸亦可

治要茯苓補心湯治心氣不足喜悲愁怒衄

血面黃五心煩熱或咽喉間痛舌本作強

方見瘡

茯神湯治膽氣虛冷頭痛目眩心神恐畏不能獨處胸中煩悶

茯神去木

酸棗仁炒

黃芪炒

梔子仁炒

白芍藥炒

五味子杵炒

桂心

熟地自製

人參各一兩

甘草五錢炒

右每服五錢薑水煎

酸棗仁丸治膽氣實熱不得睡卧神志不安

驚悸怔忡

茯神去木

酸棗仁炒

遠志去心

栝子仁炒

防風各一兩

枳殼炒麩

生地黄杵膏各半兩

青竹茹二分五錢

右為末蜜丸梧子大每服七八十九丸滾湯

下

定志丸治心神虛怯所患同前或語言鬼恠

喜笑驚悸

人參

茯苓各一兩五錢

菖蒲

遠志去心各一兩

右為末蜜丸如前服

治要茯苓散治心經實熱口乾煩渴眠卧不
得心神恍惚

茯神

麥門冬

各一兩半

通草

升麻

各一兩二錢半

紫苑

桂心

各七錢五分

知母

一兩

大棗

十二枚

淡竹茹

五錢

赤石脂

一兩七錢五分

右每服一兩水煎

朱雀丸治心病怔忡不止

白茯苓

二兩

沉香

半兩

右為末蜜丸小豆大每服三十九丸入參煎

湯下

世傳密陀僧散治驚氣入心絡不能語者昔

有人為狼及犬蛇所驚皆以此而安

密陀僧

研極細末如粉

右茶清調一錢七分

舟溪硃砂丸治勞役心跳

硃砂

當歸身

白芍藥

側柏葉

各三錢

川芎

陳皮

甘草

黃連

炒各一錢半

右用猪心血為丸粟米大每服百丸龍眼

湯下

本事辰砂遠志丸消風化痰鎮心安神

人參

石菖蒲

去毛

遠志

去心

茯神

各一兩

川芎

山藥

白附子

麥門冬

細辛

鐵粉

辰砂

各五錢

右為末用生薑汁入水糊丸菉豆大以朱砂為衣每服一二十九臨睡生薑湯下

歸脾湯

六君子湯

加味道遙散

三方見內鈞

補中益氣湯

方見虛羸

珍珠母丸

方見不寐

十全大補湯

八瓊湯

二方見自汗

養心湯

方見驚癇

吞酸

吞酸之症有二熱與寒也經曰諸嘔吐酸皆屬於熱東垣曰病機作熱攻之誤矣濁氣不降寒藥豈能治之二說似乎矛盾而實一也

素問言熱者所以指其末也東垣言寒者所以指其本也丹溪用吳茱萸之法亦嘗謂之寒矣然亦當分其虛實而治之若煩熱作渴好食啖物飲食易化是為實火內熾而胃經熱也宜用清涼飲之類若不渴喜食熱物飲食難化是為虛火所致而胃經寒也宜用香砂六君子湯之類故東垣云邪熱不殺穀苟誤認為實熱藥用寒涼之劑而變為中滿嘔

吐反胃之症者皆末傳寒中之敗症也可不
慎歟

治驗

一小兒吞酸用六君子湯而愈後傷食復
作兼瀉先用五味異功散加升麻乾薑瀉
頰止又以六君子煎送四味茱萸丸而愈
一小兒吞酸噯腐發熱口渴先用保和丸
二服以消宿滯又用六君木香乾薑

養中氣而愈後傷冷粉腹脹痛余用異功
散加乾薑諸症漸愈用補中益氣湯加木
香將愈又傷食吞酸腹痛六君木香二劑
痛止又四劑而愈

一小兒吞酸喘嗽腹脹面白兼青余謂脾
肺之氣虛先用補中益氣湯加茯苓半夏
二劑喘脹悉愈又用六君子湯及五味異
功散而愈

一 小兒十三歲吞酸每食碗許稍多則瀉
或腹脹面色黃或青白此脾肺虛肝木所
勝用六君乾薑柴胡升麻間佐以補中益
氣湯而痊畢姻後無勤於功課仍吞酸唾
痰服清熱藥大便不實嗜卧少食而似肉
痿用前藥各百餘劑而痊

一 女子吞酸唾痰恪用清氣化痰之藥余
謂屬中氣虛不信後覺肚腹腫脹大小便

淋瀝而歿

六君子湯

加木香砂仁名
香砂六君子湯

異功散

二方見內鈞

補中益氣湯

保和丸

二方見虛羸

四味茱連丸

方見噫氣

脾弱多困

丹溪云脾具坤靜之德而有乾健之運夫胃

陽也主氣脾陰也主血胃司納受脾司運化
一納一運化生精氣清氣上升糟粕下降納
五穀化津液其清者爲榮濁者爲衛陰陽得
此謂之橐籥故東垣以脾胃爲五臟之根本
也脾氣旣弱則健運之令不行化生之功已
失職而嗜卧多困所由生焉法當溫補其脾
脾氣旣旺則臟腑清陽之氣升舉易於運行
又何困倦之有海藏用四君子加木香

白朮倍之薑棗煎服誠良法也若脾虛好睡
多驚則是心血虛而火動之宜安神養血若
因心脾氣虛有痰者宜用人參五味子茯苓
以補心氣當歸芍藥酸棗仁以養心血橘紅
半夏以開痰若因脾肺氣虛胸膈有痰用補
中益氣湯以健脾胃膽星天竺九以化痰涎
若因飲食停滯而作用四君子湯以益脾土
山查神麴以消飲食若因脾虛而好睡用五

味異功散以補脾氣當歸為藥以生脾血為藥須用酒拌炒黃不則酸寒傷脾此假熱以對假寒也若乳母飲酒致兒昏醉好睡者以乾薑陳皮煎湯解之不應用異功散加乾葛即愈矣

治驗

楊永興子年七歲嗜卧無驚久不愈余曰好睡是脾氣虛困也善驚是心血虛怯也

此心火不能生脾土子母俱病用補中益氣湯及六味地黄丸加鹿茸而愈

一小兒因母醉後飲乳困睡不醒遍身如丹瘤先君謂酒毒為患用葛花解醒湯令子母俱服之而愈

一小兒病後嗜卧飲食少思面色痿黃中隱青色用五味異功散加柴胡升麻為末每服錢許日二三次月餘稍愈又飲食過

多更患嘔吐手足並冷飲食頓減先用六君子湯加升麻柴胡木香乾薑二劑諸症漸愈又用補中益氣湯為末日服二三次月餘而安

一小兒九歲患痢後嗜卧唾痰服化痰藥吐痰益甚而卧床三年矣面色痿黃無白或時青赤右關脉微細左關脉弦數余謂肝火乘脾用六君升麻柴胡三十餘劑

稍健乃以補中益氣湯間服又各三十餘劑而少痊又五十餘劑而痊

一女子十一歲患痢後嗜卧唾痰飲食難化胸腹膨脹服化痰利氣之劑益甚余謂悉屬脾胃氣虛而飲食化痰也朝用補中益氣湯夕用五味異功散兩月而愈又傷食吐瀉用六君子湯月餘不應乃以人參五錢乾薑五分薑棗煎服百餘劑始應仍

用補中益氣異功散而痊

膽星天竺丸治小兒痰涎上壅喘嗽不休

牛膽南星

兩一

半夏

湯泡去皮
臍姜汁製

白附子

湯泡去皮
臍各五錢

天竺黃

三錢

天麻

防風

各二錢

辰砂

一錢另
研水飛

右為末甘草湯為丸芡實大每服一九空心薄苛淡薑湯化下

五味異功散

六君子湯

四君子湯

三方見內鈔

補中益氣湯

方見虛羸

六味地黄丸

方見腎臟

葛花解酲湯

方見熱吐

尋衣撮空

尋衣撮空許叔微謂之肝熱夫肝主筋筋脉血枯而風引之故手指為之撮歛也宜確服

六味地黄丸間有回生之功錢仲陽用瀉青
丸此治肝經實熱蓋尋衣撮空皆病後之敗
症耳求其實熱則百無一二矣治者審之王
海藏治血脫尋衣撮空摸床手拂搖頭錯語
失神脉弦浮而虛血脫內躁熱之極也氣粗
鼻乾此為難治用生地黄黃連湯主之

治驗

王少叅孫女年十二歲脾胃素弱後成疳

症發熱小腹膨脹堅直大便溏瀉氣喘咳
嗽徹夜煩躁不睡鼻塞眼暗譫語其脉大
而無根用人參一兩附子三分腹脹漸減
脉漸斂然猶尋衣撮空鼻孔出血用六味
地黄丸料二服如脫乃晝服獨參薑附湯
及服地黄丸料脉漸有根諸症漸愈又用
六君子補中益氣湯而痊詳見發熱
一小兒停食夾驚腹痛服消食丸瀉數次

尋衣撮空面黃或色白此脾土受傷肺
金休囚肝火旺而然耳先用異功散加升
麻以補脾土用六味地黄丸料以滋肝血
稍定各二劑漸愈却用補中益氣湯六味
地黄丸間以異功散而痊

一小兒受驚駭恪服鎮驚化痰等藥忽患
前症眼^上竄^竄面痿黃或兼青赤此肝經陰血
虛陽氣旺而生風耳當滋肝腎益脾肺遂

用異功散而痊

一小兒面痿黃患癩癰忽發驚面色青赤
此脾氣虛木火相搏而為患也用補中益
氣湯佐以柴胡山梔散二服加味道遙散
三服諸症漸退又以地黄丸而遂痊
一小兒流汗出膿甚多患前症此元氣虛
弱內熱而變耳用八珍湯異功散各數劑
方稍緩又數劑而安又補中益氣湯而愈

一小兒膝癰誤觸其膝出血甚多患前症
惡寒面白此陽隨陰散而虛寒用十全大
補湯加附子三分四劑未應用人參一兩
附子五分薑棗煎服稍退又二劑頓退乃
朝用異功散夕用八珍湯而安

一小兒傷風表汗後患前症惡風面白手
足冷用補中益氣湯加五味子汗頓止而
諸症漸退又用四劑而安乃十全大補湯

而愈

生地黄連湯治血脫尋衣撮空搖頭妄語

川芎

生地黄

當歸各七錢

赤芍藥

梔子

黃芩

黃連

各三錢

防風

一錢五分

右每服三錢水煎服

加味逍遙散

異功散

六君子湯

三方見內鈞

地黄丸

方見腎臟

補中益氣湯

方見虛羸

柴胡梔子散

方見發熱

瀉青丸

方見肝臟

八珍湯

四物四君二湯合用

十全大補湯

方見自汗

喜笑不休

經曰心藏神有餘則笑不休又曰在臟為心
 在聲為笑在志為喜又火太過曰赫曦赫曦
 之紀其病笑譎狂妄又云少陰所至為喜笑
 又云精氣并於心則喜此數者皆言屬心火
 也若笑不休呻而為腹痛此水乘於火陰擊
 於陽陽伏熱生狂妄譎語不可聞心之損矣
 扁鵲云其人唇口赤色者可治青黑者死若
 腎水虧涸不勝心火而喜笑不休者用六味

地黄丸肝火熾盛能生心火而喜笑不休者
用柴胡清肝散餘無別症各從其症而參治
之

治驗

一小兒喜笑常作不安面赤飲冷手足並
熱先用黃連瀉心湯末二服稍定又用六
味地黄丸料煎服頓愈常服此丸則安月
許不服仍前後作又服愈矣

一小兒患前症面青赤此肝心二經風熱
所致也用柴胡梔子散六味地黄丸漸愈
又因乳母大怒發熱先用加味柴胡湯又
用加味逍遙散母子服之並愈

一小兒患前症因乳母大怒患血崩寒熱
先用加味逍遙散一劑用當歸補血湯三
劑如此治之各數劑母子並愈

一小兒年十四歲用心過度飲食失節患

喜笑不休脉洪大而虛面色赤而或白余
用補中益氣湯而愈次秋科舉飲食勞倦
前症復作或無譫語脉洪大按之微細如
無用人參一兩薑棗煎服稍定又三劑而
愈又勞役用心自汗作渴煩躁似癰症先
用當歸補血湯二劑頓安又十全大補湯
而尋愈

一女子十六歲面色痿黃素沉靜喜笑不
休月經先期用柴胡梔子散加味道遙散
而愈次年出嫁不時復作但作時面赤勇
力發後面黃體倦朝用補中益氣湯夕用
加味道遙散而愈後每發悉用前藥即愈

當歸補血湯

柴胡梔子散

柴胡清肝散

黃連瀉心湯

三方見發熱

方見煩躁

地黄丸

方見腎臟

保嬰女全書卷之十

終

